

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 10.12.2021թ. թիվ 8190114777 որոշումն անփոփոխ թողնելու, իսկ 10.12.2021թ. թիվ 8190115515 և 8190115712 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<<26>> 01 2022թ. 7-13 1072

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սիլվա Թորոսյանի թիվ ՄԴ/4546-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Արեշ 4 փողոցի 14/4 տան բնակիչ Սիլվա Թորոսյանը դիմումով խնդրել է վերանայել վարչական տույժ նշանակելու մասին 10.12.2021թ. թիվ 8190114777, 8190115515 և 8190115712 որոշումները՝ նշելով, որ դրանք կայացվել են նույն իրավախախտման համար:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պարզառարանությամբ.

Վարչական իրավախախտումների վերաբերյալ ՀՀ օրենսգրքի 129² հոդվածի 1-ին մասի համաձայն՝ Հայաստանի Հանրապետության տարածքում հաշվառված տրանսպորտային միջոցի սեփականատիրոջ (վարձակալի) կողմից սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) յուրաքանչյուր տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր չունենալը, որը տևել է ավելի քան տասն օր՝ առաջացնում է տուգանքի նշանակում յուրաքանչյուր տասն օրվա համար՝ սահմանված նվազագույն աշխատավարձի հնգապատիկի չափով, սակայն յուրաքանչյուր տարվա համար՝ ոչ ավելի, քան սահմանված նվազագույն աշխատավարձի հարյուրապատիկի չափով:

Վարչական վարույթի ընթացքում պարզվել է, որ ՀՀ տարածքում հաշվառված ՎԱԶ-2114 մակնիշի 14 EM 014 հաշվառման համարանիշի ավտոմոբիլի սեփականատերը 06.12.2021թ. դրությամբ ավելի քան տասն օր չի ունեցել սեփականության իրավունքով իրեն պատկանող տրանսպորտային միջոցի համար կնքված ԱՊՊԱ պայմանագիր, ինչի հիմքով 10.12.2021թ. կայացվել է վարչական տույժ նշանակելու մասին թիվ 8190114777 որոշումը: Սակայն՝ նույն իրավախախտման համար, նույն օրը կայացվել են նաև թիվ 8190115515 և 8190115712 որոշումները, ինչը տեխնիկական վրիպակի արդյունք է:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասով և Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 10.12.2021թ. թիվ 8190114777 որոշումը թողնել անփոփոխ, իսկ վարչական բողոքն առանց բավարարման:

2. Ճանապարհային ոստիկանության վարչական տույժ նշանակելու մասին 10.12.2021թ. թիվ 8190115515 և 8190115712 որոշումները բեկանել և վարչական իրավախախտումների վերաբերյալ գործերի վարույթները կարճել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Սիլվա Թորոսյանին:



Ե.Կարապետյան